

寄獄中諸友

林秋梧

頻年壯志未全舒。依舊天涯感索居。為問故人幾惆悵。

鐵密消息近何如。

贈青年僧伽

同人

菩提一念證三千。省識時潮最上禪。體解如來無畏法。

願同弱少鬪強權。

讀國際文化報蔣介石彈壓勞農階級有感

同人

階級仍存不勝悲。餓李橫溢大江湄。可憐十萬頭顱血。

空換青天白日旗。

李古讀瓜音述三

贈秋梧君

比南

萬卷詩書一布衣。覺今非想想非非。人間事々皆因果。

得失原來有禍機。

其二

冠世文章負陸機。生平術學壓韓非。茫茫大地知音少。

故向禪宗受鉢衣。

題秋梧僧服背影

愛儂

破碎山河劇可哀。歸依何事費擬猜。知君本具如來相。

合證蓮花九品臺。

感懷

陳秩臣

自愧栽培四九秋。幾株桃李伴吾遊。有時硯水嘗遭涸。

首蓓難供借箸籌。

新柳

余芬蘭

三眠乍起弄絲絲。翠黛輕盈始展眉。待月有情舒眼倦。

迎風無力舞腰垂。靈和殿裡春如許。西子臺前景欲追。

臨水傍隄千縷細。當年張緒比丰姿。

紅梅

同人

似染胭脂映碧紗。清芬艷麗勝桃花。紅衣著罷春難辨。

綠萼妝殊夢轉賒。曉日侵時融絳雪。暮雲照處襯丹霞。

玉皇頻賜藐姑酒。醉倒孤山處士家。

暮春

同人

風信纔經廿四番。漫天飛絮散江村。池塘芳草春無迹。

除落梨花月有痕。綠樹陰々鶯弄舌。碧隄漠々蝶消魂。

韶光荏苒留難住。怕听啼鴉叫夕昏。

偶感寄獅山妙宏大師原韻

林秋梧

出家何必入山中。今古時潮盡不同。悟到娑婆即淨土。

降魔伏怪樂無窮。寒來暑往又春秋。不知這個分明法。

山自青々水自流。不知這個分明法。